



ADMINISTRACIÓN LOCAL

MUNICIPAL

CEE

Ampliación do horario de peche dos establecementos abertos ao público e de finalización dos espectáculos públicos con motivo da celebración da festa/verbena popular lanzamento dos fogos artificiais das festas da Xunqueira 2026 do 21 agosto 2026

RESOLUCIÓN

ASUNTO: AMPLIACIÓN DO HORARIO DE PECHE DOS ESTABLECEMENTOS ABERTOS AO PÚBLICO E DE FINALIZACIÓN DOS ESPECTÁCULOS PÚBLICOS CON MOTIVO DA CELEBRACIÓN DA FESTA/VERBENA POPULAR LANZAMENTO DOS FOGOS ARTIFICIAIS DAS FESTAS DA XUNQUEIRA 2026 DO DÍA 21 DE AGOSTO DE 2026

EXPEDIENTE DECRETO: 2026/G003/000879

ANTECEDENTES:

EXPTE. Nº 2026/U029/000045

A Lei 10/2017, do 27 de decembro, de espectáculos públicos e actividades recreativas de Galicia, establece no artigo 4.c) que lle corresponde á consellería competente en materia de espectáculos públicos e actividades recreativas determinar o horario xeral de apertura e peche dos establecementos abertos ao público e de inicio e finalización dos espectáculos públicos e das actividades recreativas. Así mesmo, dispón no artigo 5.f) que lles corresponde aos concellos autorizar as ampliacións ou reducións sobre o horario xeral, atendendo aos criterios, os supostos e as circunstancias que, de ser o caso, figuren na orde de horarios prevista no artigo 17 da Lei.

A Orde da Vicepresidencia primeira Consellería de Presidencia, Xustiza e Turismo do 23 de outubro de 2020, pola que se determina o horario de apertura e peche dos establecementos abertos ao público e de inicio e finalización dos espectáculos públicos e das actividades recreativas, dispón no seu artigo 9.1 que os concellos poderán ampliar para todo o seu termo municipal ou para zonas concretas deste os horarios xerais de peche dos establecementos abertos ao público, así como de finalización dos espectáculos públicos e das actividades recreativas, durante a celebración das festas e verbenas populares, do Entroido, da Semana Santa e do Nadal, facendo compatible, en todo caso, o seu desenvolvemento coa aplicación das normas vixentes en materia de contaminación acústica.

Por Resolución da alcaldía nº 1020/2025, de data 10/12/2025, fixouse o número máximo de días naturais durante o presente ano 2026 nos que poderán ampliarse os ditos horarios neste termo municipal, conforme co disposto no artigo 9.2 da devandita Orde. Na citada Resolución indícase que as datas concretas de ampliación dos horarios determinarase mediante resolución da alcaldía, de oficio ou a petición de parte interesada.

No artigo 9.4 da Orde do 23 de outubro de 2020 sinálase que as ampliacións de horario non poderán superar, en ningún caso, en 2 horas os horarios xerais de peche dos establecementos abertos ao público, dos espectáculos públicos e das actividades recreativas.

Logo de ver a solicitude presentada con data 19/08/2026 e nº 202699900001687 de rexistro de entrada por Verónica Bonilla Ruso, en representación da Asociación Comisión de Festas da Xunqueira de Cee, organizadora da festa/verbena popular denominada *Lanzamento dos Fogos Artificiais das Festas da Xunqueira 2026*, que se van celebrar no núcleo urbano de Cee, o día 21 de agosto de 2026, e logo de ver que a persoa organizadora do festexo solicitou a ampliación do horario de remate da festa o día referidos ata as 06:00 horas.

Considerando a vontade deste Concello en apoiar e favorecer a actividade das asociacións municipais, que fan posible a celebración destes eventos festivos de grande tradición en Galicia, os cales repercuten positivamente en diferentes eidos municipais, sociais e económicos, así como apoiar o sector hostaleiro municipal, o cal se debe compatibilizar coa aplicación das normas en materia de contaminación acústica ou outras disposicións legais e, así mesmo, cos dereitos de terceiras persoas e co óptimo funcionamento dos servizos públicos.

No uso das atribucións que me outorga a lexislación do réxime local, **RESOLVO:**

1º. Autorizar a ampliación do horario de finalización da festa/verbena *Lanzamento dos Fogos Artificiais das Festas da Xunqueira 2026*, que se van celebrar no núcleo urbano de Cee, o día 21 de Agosto de 2026, co cal, o horario máximo de finalización da verbena a noite do día sinalados será ás 06:00 horas do día seguinte.

2º. **Autorizar a ampliación en 2 horas** sobre o horario xeral de peche disposto nos artigos 5 e 7 da Orde do 23 de outubro de 2020, do **peche dos establecementos de restauración (epígrafe III.2.5, Orde do 23 de outubro de 2020) e de ocio e entretemento (epígrafe III.2.7, Orde do 23 de outubro de 2020)** situados na parroquia de Cee, a noite do 21 de agosto de 2026.

3º. Os devanditos establecementos deberán contar co **título habilitante** correspondente (licenza ou comunicación previa con toda a documentación esixida) para o exercicio da actividade.

4º. Publicar a presente resolución no Boletín Oficial da Provincia da Coruña para coñecemento xeral das persoas interesadas.

Notificarlle a presente resolución aos interesados, con indicación expresa dos recursos a interpor, e darlle conta ao Pleno da Corporación na primeira sesión ordinaria que realice.

En CEE, 20 de Maio de 2026

A alcaldesa, Margarita Lamela Louzán

A secretaria, Rocío Hermida Cancela

2026/5562